

周
官
析
疑

周官析疑卷之二十二

大師

掌六律六同以合陰陽之聲陽聲黃鍾大蕤姑洗
蕤賓夷則無射陰聲大呂應鍾南呂函鍾小呂夾
鍾

天籟人聲本有陰陽而以律同之陰陽合之也
梅穀成曰上生下生之術卽淮南所謂倍而
以三除之四而以三除之者是也商羽角宮徵
者相生之次也上九者言以九爲上也必以九

爲上而以徵居之者欲使宮得五爲中數也蓋
自五至一爲五聲大小之次自九至五爲五聲
相生之次而宮之爲五不異也置一而九三之
得一萬九千六百八十三算以爲寸法如寸法
之數以爲實而以寸法約之得一寸又置十七
萬七千一百四十七之實而以寸法約之則得
九寸矣此黃鍾之宮上下相生之本蓋音之始
數之始而亦氣之始也自一而加之爲三再
加則三三爲九三加則三九二十七四加則九

九八十一、故曰四開以合九九也、八十一宮聲
之數、亦黃鍾之數、十二律還相爲宮、然黃鍾爲
宮、正也、故以黃鍾之宮言之、三分八十一而益
一、則一百八也、爲徵數、三分一百八而去一、則
七十二也、爲商數、三分七十二而益一、則九十
六也、爲羽數、三分九十六而去一、則六十四也、
爲角數、上生言復其所謂以本數上生也、下生
言去其乘、謂以半數上生也、蓋宮商用全、徵羽
用半也、如此則五聲皆上生、與諸家之說不同、

然其數則一也

教六詩曰風曰賦曰比曰興曰雅曰頌

詩之起莫先於風謠有風則已備賦比興之三
體由是有雅頌之二部故以爲序注謂教瞽
矇蓋以主教學士者大司樂也不應又以屬大
師不知大司樂掌建治國之學政不能一一自
教也平時樂德樂語皆以屬有道有德者所謂
樂語卽六詩也詩以合樂有道有德者能知義
理識其大經而要管絃之節會察聲氣於細微

則非瞽師不能詳也。故又使學士受教於瞽師。如六代之舞，雖掌於大司樂，而必先以樂師之教。小舞詩書禮樂有道有德者日講所聞而大成。又別有論說分職聯事義各有當也。注固失之。而羣儒或謂此專以教國子言，亦非也。古之瞽師亦多有道有德者，而大師出自瞽矇，故瞽矇亦在所必教，而所以教之者亦必以六德爲本焉。

以六德爲之本，以六律爲之音。

以中和祗庸孝友爲詩教之本。使知凡播於樂歌者。皆以興起養成人之六德也。以六律爲詩之音。欲歌詩之應乎律。然後可比音而樂之也。或疑瞽矇賤工。不當以六德爲教。夫欲使之歌詩奏樂以和神人。乃以其藝也。而賤之使之不知其意。不平其心。精粗本末。判然兩途。此後世禮樂所以崩壞也。且大師下大夫之秩。不爲不尊。今日所教之瞽矇。卽他日小師大師之選。觀飲射諸禮。歌畢則主人獻工。大師必爲之洗。

所以待之者亦不輕矣

大祭祀帥瞽登歌令奏擊拊

觀小師職則登歌擊拊所帥者小師也而與歌射節及廡之帥瞽同文何也豈登歌一唱而三歎小師四人或有喪疾事故不得不以羣瞽攝小師職既有明文故於此見其義與

下管播樂器令奏鼓鞀大饗亦如之

疏謂祭饗賓射之鍾鼓皆大祝令之非也大祝所令獨逆牲逆尸侑尸之鍾鼓耳樂事之鍾鼓

乃大司樂樂師令之。李光燠曰：虞書夏擊鳴球、搏拊、琴、瑟，以詠堂上之樂也；下管、鼗、鼓，堂下之樂也。其下言笙、鏞，以閒則閒歌也；簫、韶，九成則合樂也。儀禮雖鄉樂亦有升歌，笙入閒歌，合樂之四節則此大祭祀其備四節可知。經不言者，蓋閒則歌管之迭作合樂，則歌管之並興而已。故言登歌下管，足以該之也。

大喪帥瞽而廢作，匱諡。

羣王子夫人九嬪，大史賜諡，卿大夫小史賜諡。

而大喪之諡則大師作之。且帥羣瞽而獻何也。蓋古人諡以易名。苟失其實。是欺天地神明。不誠於君父。而見疑於天下後世也。故至於南郊。稱天以誅之。非嗣王及公卿大臣所敢專也。大師及御瞽。自王爲世子入學之時。而性質言動。聞之已詳矣。終王之身。自祭祀朝會饗射。師出。以至起居飲食出入燕游。師與瞽常在側。且賤而無目言。無隱避。俾各陳王之行迹。而大師取衷焉。蓋天子至尊所畏者。惟天所懼者。惟天下。

萬世之公議故定諡於南郊以示天鑒之甚明
陳言於羣瞽以彰人心之公是所以大爲之防
而正君德也 曰作諡義已備矣而加匱者記
曰卒哭而諱生事畢而鬼事始也疑夏殷以前
皆卒哭始諱至周則旣殯卽作諡而諱名故以
匱諡顯此義耳不曰旣殯作諡者曰旣殯則其
期寬曰匱則在殯之初卽諱名可知矣

小師

掌教鼓鼗祝故塤蕭管弦歌

鼓當作樂器注出音爲鼓以眡瞭瞽矇二職所掌樂事皆自播鼗始耳賈疏遂謂六鼓皆鼓人教之不知鼓人所掌者鄉遂之事眡瞭不宜受教於鼓人蓋六鼓音聲之節鼓人自以教鄉遂之共聲樂者小師自以教眡瞭竝行而不相悖也李光坡曰八者之序蓋自下而及上自狃以及精匏與金石則磬師鍾師笙師搏師掌之矣鍾搏笙磬其類不一故各有專之者

大祭祀登歌擊拊下管擊應鼓徹歌大饗亦如之

禮官考卷之二十二
大師令奏擊拊則大師令之而小師乃擊之耳
注疏似誤

大喪與廡

小師佐大師以教羣瞽故陳王之行迹亦與焉
則作謚得與大師商論可知也

凡小祭祀小樂事鼓鞀

大師職令奏鼓鞀亦大師令之小師鼓之

掌六樂聲音之節與其和

六樂聲音之節樂工皆能按焉而其和與否則

非知音識微者不能辨也。故小師掌之若大師聽軍聲而知吉凶則非身備六德而神明於六律之音者不足以與於此。

瞽矇

掌播鼗祝敔塤簫管弦歌

瞽矇所播者止此。塤與簫管之孔可按。弦有徽可循。祝敔一聲。鼗可執而搖之。若他鼓及鍾磬擊之必於其所。非無目者所能任也。故矇掌之。

諷誦詩世奠繫鼓琴瑟

大師作匱諡書於世本者小史之事非瞽矇所能任也。歌詩或以琴瑟於世繫無取焉。蓋王暇時俾瞽矇誦詩以陳善敗。或道前世之昏明。定諡之美惡。以爲法戒。或奏琴瑟之雅聲。皆所以養王和敬之心。而使匪僻無由入也。注並誤。

眡瞭

掌凡樂事。播鼗擊頌磬笙磬。

瞽矇播鼗。眡瞭又播鼗。蓋所掌樂事皆有以鼗。

爲節者

掌大師之縣

觀此則知凡宿縣皆小胥泄之大胥展其器惟
大祭祀則大司樂以聲展耳

大喪廡樂器大旅亦如之

凡瞽矇所掌者、眡瞭皆廡之、磬師鍾師無廡器
之文、而眡瞭擊笙磬頌磬、且掌大師之縣、豈廡
之者亦眡瞭與、大喪之樂器雖具而必估、大
旅之樂器雖陳而不奏、故連類而及之、古者山

崩川竭水火大禘皆以喪禮處之祭祀吉禮也
國有大故而旅則凶事也陳樂器而不奏吉凶
相半而取其中也注謂旅非常事及時乃興造
其器非也有大故而禱祈可俟興造之成而用
之乎蓋以凶事而用郊廟吉禮之樂器非所安
也故別有大旅之樂器以待事而事不常見樂
器久弛故及時修整亦可以云廡耳此職承喪
器而言廡故笙師職復言大旅則陳之以著喪
之樂器旋造則及葬而藏大旅之樂器夙具則

及時而疎耳

賓射皆奏其鍾鼓鼗愷獻亦如之

賓射皆奏則祭祀不必言矣

典同

掌六律六同之和以辨天地四方陰陽之聲以爲樂器

大師所掌者制律以合聲典同所掌者依律辨聲以爲衆器也四方之聲如管子及呂氏月令所載

凡爲樂器以十有二律爲之數度以十有二聲爲之齊量

齊與食醫所和之齊同義謂其分之所際也蓋以十有二律之數爲衆器之度以十有二聲之齊爲衆器之量度必以律之數者記所謂百度得數而有常也中之所容雖同而形之回祚愈侈異則音亦異焉故必以十有二聲爲之齊

磬師

掌教擊磬擊編鍾

既設鍾師而不使教擊編鍾何也石音難調鍾
爲聲律之綱故編鍾竝使磬師教之金石之聲
諧則衆音皆可依之以爲準而各得其齊量矣。
詩曰既和且平依我磬聲書言韶樂之盛而總
以夏石拊石皆此義也。

教纓樂燕樂之鍾磬及祭祀奏纓樂

六樂之外別有纓樂燕樂何也六樂及四望山
川則其餘皆小祭祀耳小祭祀或不興舞則禮
必畧疑獨用絲音以爲樂章如笙詩之類故謂

之縵樂燕樂則大祭祀饗食射禮之終皆用之
古者絲音獨有琴瑟而或曰弦歌或曰縵樂
豈與人聲相和者曰弦歌有聲無詩者曰縵樂
與祭祀升歌閒歌合樂有定法而復有縵樂者
蓋無算樂之後或獨操縵而不配以歌曲也
李鍾僑曰縵樂用於祭祀而不用於饗食何也
大饗備樂徧舞與大祭祀同無所用之

鍾師

凡射王奏騶虞諸侯奏狸首卿大夫奏采蘋士奏

采蘋

射節所奏詳具射人職此職似可不詳然泛去凡射掌金奏則似別有射之金奏而不見其卽以爲騶虞狸首采蘋采蘋之歌節矣猶六摯已具宗伯職復見於射人明以射而朝則各有摯也

笙師

掌教敎竽笙塤箎簫箎篪管春牘應雅以敎賦樂塤簫管小師教之復列是職何也凡樂之用人

氣者皆笙師教之故使兼教三者所以審音不厭其詳也小師所教草木絲音他職不兼何也革木一聲絲音絃度顯然可按惟人氣高下疾徐其辨甚微教之尤不可以不審也

大喪廡其樂器及葬奉而藏之

惟笙師搏師籥師司干職有奉藏葬器之文蓋笙師所掌竹匏土木之音備矣搏師掌金奏之鼓金革之音備矣籥師所掌文舞之器備矣司干所掌武舞之器備矣絲石宜磬師奉藏蓋筋

之殘或傳寫遺失也。然大司樂大喪涖廡樂器、樂師凡喪陳樂器而眡瞭廡之則無二音之器、獨缺之疑矣。眡瞭職無奉而藏之之文者、眡瞭卑賤爲諸官廡之而奉則非其事也。賈疏乃云文不具誤矣。果爾則諸職奉藏之文宜盡削。惟於眡瞭職廡樂器下增及葬奉而藏之。豈不辭約而義明。乃詳其所不必詳、畧其所不可畧。以蓄疑端。經文不宜亂雜無章至此。

大旅則陳之

大旅之樂器繫大喪之後而惟見於眡瞭笙師
二職何也於眡瞭言廡則凡樂器畢陳可知矣
於笙師復言陳則陳而不奏可知矣大旅陳而
不奏以喪禮處之之義也笙師鋪師籥師司于
皆言奉而藏之而典庸器不言何也其所廡籥
簞也鋪師既奉鍾磬則竝以筍簞往可知矣以
是知聖人作經文不虛設而事畢該

鋪師

享金奏之鼓

鍾師所掌者、金奏之節、罇師所掌者、金奏之鼓、節而擊之者、則眡瞭、眡瞭職賓射、皆奏其鍾鼓、鑿愷獻亦如之、是也、如二師自奏、則賓射鑿愷之鼓、旣列職於罇師、復列職於眡瞭、不可通矣、二師無教、擊鍾擊罇之文者、磬師職曰教擊磬、擊編鍾、則特縣之鍾、鍾師教之、特縣之罇、罇師教之、不必言矣、郊廟朝廷之樂事、鼓人不與、故金奏之鼓、罇師兼掌之、從所便也、猶金奏掌於鍾師、罇師而四金師、田所用則鼓人兼掌之、

凡祭祀鼓其金奏之樂饗食賓射亦如之軍大獻則鼓其愷樂凡軍之夜三鑿皆鼓之守鑿亦如之
罇師所掌卽鼓人所教而別爲二職何也鼓人所鼓神祀社祭鬼享軍旅田役之金奏以及祭祀百物之神皆用於鄉遂都邑者故屬地官罇師所鼓祭祀饗食賓客大獻皆用於王朝者故屬禮官惟鼓鑿二職竝列而罇師大獻鼓愷樂守鑿鼓人則無之然後知罇師所掌乃王朝之事其夜鑿惟王親在行則然若鼓人則凡軍旅

通掌其鼓與鑿也。陳氏暘引樂志鑿鼓長六
二尺破注謂夜鑿卽用鼗鼓但鼓人職以鼗鼓
鼓軍事下言凡軍旅夜鼓鑿軍動則鼓其衆脉
絡相聯而不另列鑿鼓所引樂志不過後代之
制未可據以破注也。

鞮師

掌教鞮樂祭祀則帥其屬而舞之

東夷之俗於三方爲美則其樂亦於諸方爲優
故其官特稱師而祭祀大饗皆舞之不與諸方

同

大饗亦如之

明小賓客之饗食及燕射皆不用也。於大饗奏之以示王化所被之遠。致此之難。蓋君與臣交警之。

旄人

掌教舞散樂舞夷樂。凡四方之以舞仕者屬焉。

散樂蓋五帝三代之遺聲。不在六樂之內者。如樂記所稱。歌商歌齊之類。及大史采風取其善。

者而播諸樂府也。有聲歌則亦宜有舞矣。肆散樂所以昭美善之不遺存夷樂所以示德威之遠耀也。蓋祭祀賓客無算樂時或用之。九服土風不同則舞亦各異。故四方厥以其舞試者皆隸焉。

凡祭祀賓客舞其燕樂

曰其所以別於燕樂之正也。謂散樂夷樂之附入燕樂者。

箛師

掌教國子舞羽飲籥

樂師掌教國子小舞。則凡六樂中文舞武舞具矣。籥師所教獨舞羽耳。大師教六詩以六律爲之音。則弦歌具矣。籥師所教獨飲籥耳。籥師獨教羽舞。則帔舞皇舞之類。皆舞人樂師教之明矣。獨教飲籥。則弦歌乃大師教之明矣。所以別設一官以教二事者。國子藏修息游。諸舞或不。能周。而羽舞於燕居尤便也。琴瑟無時不御。而管音則飲籥尤雅也。陳氏賜乃謂籥師教文舞。

而武舞不與司于掌武舞而文舞不與乃無益之辨且與經傳抵牾

祭祀則鼓羽籥之舞賓客饗食則亦如之

鼓無專掌九夏之鼓鍾師掌之縵樂之鞀亦屬焉金奏愷樂之鼓鋪師掌之夜蠶之鼓鼓人鋪師分掌之祭祀饗食樂事之鼓大司樂樂師大師令之故籥師所鼓獨羽籥之舞

籥章

掌土鼓豳籥

笙師所教已有箛而別設箛師以箛師所教者
國子而笙師所教者瞽矇眡瞭也既有箛師而
別設箛章以管與聲樂及所用之事各異也黃
帝已制律管而伊耆氏乃用葦箛則其聲少變
其用尤廣可知矣革木一聲尙有其節以土爲
鼓則聲尤質節尤希可知矣蓋逆暑迎寒祈蜡
賽禳無地無人。不有事焉。故特作鄉野士民易
習通用之聲樂而並不言所教之爲學士爲野
人也。其官名箛章何也。以歛幽兼風雅頌校他

樂歌爲繁故但掌其章句使人誦習。卷歌之則止。歛葦籥不若二南雅頌。詩歌與律呂必一一相應。

凡國祈年于田祖。歛幽雅擊土鼓以樂田峻。

惟此言國何也。祖迎於坎壇爲六宗典祀。則逆暑迎寒。王當躬親之。若祈年祭蜡。則鄉遂縣置之。小吏皆帥其民而報賽焉。籥章中士二人下士四人。豈能越王都而徧共其事。故曰凡國之祈年。以示所共者。惟王躬親及公卿攝位之所。

蜡耳。王氏安石以田峻爲司嗇、非也。司嗇乃后稷、不可以田峻當之。八蜡內有司嗇、又有農、農卽田峻、蓋古之始耕田者、先嗇止一而田峻隨地不同、猶國學舍菜之先聖先師也。

國祭蜡則歛、函頌擊土鼓以息老物。

函詩王業之本、而不陳於宗廟、何也。所言乃田家之事、不可與六代之樂並、又不可與燕樂、纓樂、夷樂、雜陳、用以逆暑、迎寒、索饗萬物、協天時、勸民事、義精而教溥矣。二南風教之原、故以爲

燕樂用之鄉黨邦國以化天下。后夫人卽事於宗廟。故祭之末亦歌焉。

鞮鞻氏

掌四夷之樂與其聲歌

鞮師旣掌東夷之舞。旌人又掌舞夷樂。則此職所掌四夷之樂爲聲歌明矣。而復曰與其聲歌何也。其聲歌可比於樂者。則於無算樂用之。其不可以比於樂者。亦存而不廢。識其土風。列其善敗。以備觀省。如六服內之有方志。大師所陳

之有變風耳。

典庸器

掌藏樂器庸器

樂器諸官分掌之。而復掌於此職者。如垂之和
鍾、叔之離磬、女媧之笙簧、及琴瑟管籥。先王先
公之手澤。口氣存焉。不可更用。又不敢棄置。則
必藏而世守之。祭祀或與裳衣宗器並陳。

大喪廡筭簋

筭簋蓋方廡。時則縣之。入殯則去之。此職所以

不言奉而藏也、戴記有鐘磬而無筍簋、或異代之制、或有而不縣與、

司干

祭祀舞者既陳則授舞器、既舞則受之賓饗亦如之、

司兵司戈盾、祭祀皆授舞者兵、此職則授舞器何也、五兵之外別有舞兵、舞器如大舞之玉戚、桑林之旌夏是也、且羽舞中帔皇之屬皆包焉、干卽盾也、既有司戈盾而別設司干何也、彼用

之於戰陳。此用之爲禮器也。司兵授戟與二矛。司戈盾授戈及而無盾。正以舞者之盾。司干授之耳。且武舞之干不獨五兵有之。蓋五兵軍衆所執。如大舞之樂。象王者仗鉞秉旄。象軍帥者執玉戚。皆宜有干。則司干所掌不獨五盾也。舞者旣陳。然後授器。何也。六代之樂舞器各殊。必行列旣定。就而分授之。乃無舛誤。

周官析疑卷之二十三

大小

掌三兆之灋一曰玉兆二曰瓦兆三曰原兆

玉之皐雖有紋可見而體實未坼龜灼而紋坼最細者似之瓦則其坼較粗原則大裂矣疑取象命名之意如此

以邦事作龜之八命一曰征二曰象三曰與四曰謀五曰果六曰至七曰雨八曰瘳

此八者雖曰龜之八命實三易三夢所同用蓋

此乃所占之事目也。觀下文可見。卜事莫大於立君、大封、大遷、大師、祭祀、喪紀。而八命中惟征可兼大師。他無列焉。何也？請官及本職已有明文。無庸覆舉。而王者四征不庭。既不若祭祀喪紀之有常。又不若立君、大封、大遷之曠見。且中包時巡。及王所不親之小師。故特著之。見於詩書春秋傳者。惟立君、大遷、大師、祭祀之卜爲多。而喪卜、大封無見焉。蓋宜詳於邦國禮而其書已亡矣。至於肆師職之卜筮、卜稼、卜戒、春秋

傳魯桓卜成季之生、懿氏卜妻敬仲、衛侯卜渾良夫見夢之類、皆包於凡小事中、而此八事則有關於邦之吉凶利害、故特詳其目、而曰以邦事作龜之八命也。

以八命者、贊三兆三易三夢之占、以觀國家之吉凶、以詔救政。

贊如孔子贊易之贊、蓋掌三兆三易三夢者、各獻其占、而大卜則發揮其所以然之理、而宣著之。

凡國大貞卜立君卜大封則眡高作龜、
封國之始必卜其土之所宜與策命之日注未
安、

凡小事涖卜

疏次卜事謂大遷大師涖卜者大宗伯陳龜者
宜小宗伯非也小宗伯惟大貞奉玉帛以詔號
不與卜事肆師凡祭祀之卜日宿爲期詔相其
禮又嘗之日涖卜來歲之芟獮之日涖卜來歲
之戒社之日涖卜來歲之稼則贊卜事者宜肆

師也。蓋宗伯專掌泄卜，小事則大卜代之，卜師專掌貳高作龜，大事則大卜代之，其陳龜貞龜命龜，大卜所不親，疑肆師掌之。小事大卜泄卜而肆師職，又有泄卜之文，何也？嘗社之日，大宗伯泄事，獨則不具，故卜來歲之芟之戒之稼，泄者宜大卜而三事，又小事之尤重者，故肆師兼泄焉。猶祀大神享大鬼祭大示，宗伯帥執事而卜，日而祀五帝，大宰亦帥執事而卜，日蓋並帥也。知小事而外泄卜，皆大宗伯者，宗伯職祀大神，享大鬼，祭大示，帥執事而卜，日則喪事大

師大遷大封立君、泄卜不待言矣

卜師

凡卜事、取高揚火以作龜、致其墨

李光墀曰、卜有龜焦者、有不食墨者、皆不待兆成而知其凶、墨水也、焦契火也、火過而陽則焦、水過而陰則不食墨

占人

掌占龜以八簪、占八頌以八卦、占簪之八故以取

吉凶

古者重卜先筮而後卜故筮人不必知卜而卜必兼通於筮既得八事之頌猶恐於龜象未審復以筮義參決其吉凶是謂以八筮占八頌也然筮辭之吉凶各有其故皆原於八卦之象與德其或筮龜從違各異則又恐筮人之占未審故復以八卦之象與德究切其義是謂以八卦占筮之八故也不曰占筮之故而曰八故者八卦之象與德因事而異吉凶於八事各有所宜各有所遷也

箬人

七日巫祠

李光坡曰漢書郊祀志晉巫所祀有巫祠之名亦其一徵

上春相箬凡國事共箬

龜人所掌惟辨龜之名物及藏龜毀龜奉龜而已凡卜事非其職也箬人相著藏著共著之外併掌揲之之事龜事繁著事簡也

占夢

一曰正夢二曰噩夢三曰思夢四曰寤夢五曰喜夢六曰懼夢

疾而迷及寤而有夢傳所傳秦穆公趙簡子之夢是也

季冬聘王夢獻吉夢于王王拜而受之

平時王夢或占或不占季冬則數將終歲更始王有夢必發幣而占之故曰聘也聘禮以圭幣自通告神用圭幣故假以爲義

大祝

掌六祝之辭以事鬼神。示祈福祥，求永貞。

先王望祀，不求其福。而周公之作祝辭，乃以祈福祥，求永貞爲義。何也？天之命哲，命吉凶，命歷年，皆視人君之所服行。使王對越天地，宗廟百神，凜然懼於不終，而知自求多福，在常守正道，則所以警王心而輔正其德者多矣。

一曰順祝，二曰年祝，三曰吉祝，四曰化祝，五曰瑞祝，六曰筴祝。

年祝，瑞祝。歐陽氏謙之得之順祝，天地宗廟之

常祝也。祭統備者百順之名。禮運禮時爲大順。次之天地之祭。宗廟之事順也。年祝。祈年之祝也。吉祝。冠昏卜告。大師愷獻之祝也。化祝。天地有異裁而祝其消化也。瑞祝。嘉祥見而告於天地。宗廟也。筴祝。冊封諸侯而告於祖廟也。

掌六祈以同鬼神示。一曰類。二曰造。三曰禴。四曰禘。五曰攻。六曰說。

鬼神不與人同心。災厲乃見。故以祈禮同之。非時而祭上帝曰類。非時而祭祖禰曰造。攻如救。

日伐鼓以兵之類說謂以辭責之如變置社稷必責以辭。大師大會同之類造後皆特見此類造乃以同鬼神示消災變所用之專異也。

作六辭以通上下親疏遠近一曰祠二曰命三曰誥四曰會五曰禱六曰誅

六祝之辭典祀所常用也。此作六辭因事而特告也。上下天神地示也。親疏由禰至祧。禪也。遠近四望五祀之類。祠與禱皆因事而特祭。祠以報福祥禱以請憂病也。誥會亦質神之辭。誥者

尚書逸祝冊告周公其後是也會者昭衆神而
要言春秋傳所謂司慎司盟名山名川羣神羣
祀先王先公七姓十二國之祖明神極之是也
誅者至於南郊稱天而誅之

辨九祭一曰命祭二曰衍祭三曰炮祭四曰周祭
五曰振祭六曰擗祭七曰絕祭八曰繚祭九曰共
祭

注謂衍當爲延炮當作包周猶徧也義皆可通
古書以音近而譌及同事而異名者甚多男巫

望、衍、旁、招、以、茅、則、衍、當、爲、延、明、矣、小、記、輕、者、包、
重、者、特、莊、子、周、徧、咸、三、者、異、名、而、同、實、其、指、一、
也、則、字、義、本、同、九、祭、尸、賓、並、用、賓、客、之、命、祭、延、
祭、見、玉、藻、曲、禮、而、祭、祀、亦、有、之、士、虞、禮、祝、命、佐、
食、綏、祭、特、牲、饋、食、尸、坐、祝、命、綏、祭、是、也、二、佐、食、
次、第、取、敦、實、俎、實、以、授、尸、正、延、尸、以、祭、耳、祭、祀、
之、兼、祭、見、特、牲、少、牢、而、賓、客、亦、有、之、公、食、大、夫、
禮、兼、祭、庶、羞、是、也、賓、客、之、徧、祭、見、曲、禮、而、少、牢、
十、一、飯、所、舉、所、祭、無、不、徧、也、至、振、擣、絕、繚、尸、賓、

同具不待言矣。蓋祭者尸賓而命祭，延祭則贊尸賓之節會也。每物專祭其常也。然或物微禮殺，亦有時而不祭。惟尸賓之正禮有兼祭，有禘祭，故特揭之。此四者祭之正也。振擩絕繚則曲詳其儀節也。自朝夕恒食而外，祭祀賓客必有授祭者，故以命祭始而以共祭終焉。特性士虞及少牢禮舉幹舉肩言振祭而不言擩，是振原有不擩者。注專以肝之既擩復振言，似未盡。

辨九擩一曰稽首二曰頓首三曰空首四曰振動

五曰吉擗六曰凶擗七曰奇擗八曰褒擗九曰肅
擗

曰振動則未嘗拜也而序列稽首頓首空首之
下何也奇偶吉凶乃前三拜之細目肅拜不過
下首以爲恭而已振動則顏色變作手足辟易
身體戰慄非尊者有過越之施無所用之其禮
最重如聘禮賓入門公再拜賓辟賓致命公當
相再拜賓三退負序辟與三退時必振動以示
不敢答拜而震懾不寧更甚於答拜故列於五

拜之前也。注未指所施用，王氏應電謂應受其拜而不答者不可通。

八大禋祀肆享祭示則執明水火而號祝。

經文有號先於祝者，先舉神號以祈降格，然後以祝辭通。如曾子問君薨而世子生，祝造殯入廟，先以噫歆之聲三警神聽，而後以子生告也。有先祝而後號者，祝辭中始具神號，如少牢禮祝曰：孝子某敢用柔毛剛鬣，嘉薦普淖，用薦歲事於皇祖伯某，是也。先號後祝者，必大事。此經

大禋祀肆享祭示及小祝大師釁祈皆曰號祝是也。先祝後號者多小事。小祝侯禴禱祠甸祝表貉詛祝盟詛類造攻說禴禘皆曰祝。號是也。類祭有以小事而舉者。以詛祝掌之。則非天地社稷宗廟之類可知矣。蓋因事而舉。用其禮儀。皆可以名類造。則凡就而告焉者皆是也。

隋釁逆牲逆尸令鍾鼓

隋釁交神之正禮。故先之逆牲逆尸。事神之始。事故後之。蓋令鐘鼓以禮之大小爲序。而非以

事之先後爲序也。祭尸禮莫先於隋、牲事莫先於釁。李光坡曰：逆尸乃逆牲，牲殺乃薦血，釁薦血也。薦血之後，乃有胙脍隋於主前之禮，蓋以自下向上爲言之序。

來瞽令臯舞

歌與舞必依祭節，故大祝告以樂入之節，而後樂師詔來瞽大祝告以當舞之節，而後樂師臯舞也。

大喪始崩以肆鬯，泚尸

周官析疑

卷之三十三

十

大辨、小宗伯、大祝皆掌之。然小宗伯職曰大肆、以秬鬯、辨則治其禮之辭也。此職曰以秬鬯、辨尸則親其事之辭也。又小祝以同官而贊辨則親其事者非小宗伯益明矣。小宗伯職曰大肆則當以陳尸及浴器言。此曰以肆鬯辨尸則肆專言浴器。

付練祥掌國事

凡事皆國事也。他職皆掌事。此獨曰掌國事者。未葬宗廟之祭不行。既祔主各返廟。時祭皆行。

特嗣王不親而大祝掌其事故特稱國事以別之喪三年不祭惟祭天地社稷越紼而行事則宗廟之祭及羣祀嗣王不親明矣曾子問五祀既葬而行祝畢獻則祔以後七廟之祭畢舉可知矣量人有宰祭之文必宰攝也王親祭則掌事者冢宰宗伯宰攝則祝掌事示別也五祀祝自獻祀畢故無攝主也練祥以後則凡祀王皆親之祝自共其職事而不得曰掌國事矣

大師宜于社造于祖設軍社類上帝國將有事于

四望及軍歸獻于社則前祝

前四事皆君舉而祝從惟至所征之地將有事於四望及軍歸獻社則大祝獨前行致告也曰國將有事者君不親也知然者肆師職有司將事於四望則君不親明矣下經過大山川則用事焉君親之也故異文焉小宗伯帥有司而立軍社奉主車軍社則大祝立之主車則肆師奉之小宗伯帥之而已用師之地未必正當四望小宗伯職有司將事於四望謂大祝與肆

師也祭兵於山川肆師爲位則大祝前祝繼之以將事者必肆師明矣

小祝

掌小祭祀將事侯禳禱祠之祝號以祈福祥順豐年逆時雨寧風旱彌裁兵遠舉疾

賈疏以將事屬下句非也王所親或公卿攝位則祝自執其事而已小祭祀王或不親公卿不攝但使祝將之故曰將事若侯禳於曷及郊則承王命以將事者乃肆師小祝但掌其祝號耳

小宗伯職有司將事於四望以王親在行小宗伯掌師中之祭故獨使大祝前往也周官於侯禳禱祀之事甚詳蓋人心冥頑惟遇疾病或危窮而反本易警發其善心故聖人以神道設教使恐懼修省以思救政則所益多矣豐禳之後仍祈有年是之謂順旱則多風以雲氣將族風輒散之風寧然後雨可降旱可寧也春秋傳若之何憂猶未弭又欲弭諸侯之兵止息之義也注讀彌爲救未安

大祭祀逆齋盛

小宗伯逆齋小祝又逆何也主逆者小宗伯而

小祝先之

疑小宗伯逆於廟門小祝則前逆於纍

猶喪之大溲大

祝掌事而小宗伯又泄焉百官府之戒具小宰

掌之而宰夫贊之也考其秩叙饋人凡祭祀共

盛則掌炊者饋人也舍人凡祭祀共簋簠實之

陳之則自爨奉齋入廟陳於西堂之上者舍人

也夫官世歸帥女宮爲棗盛則以終后夫人之

春事春秋傳所謂三宮米而薦之御廩是也春

官世婦帥六宮之人共粢盛先期則帥而共春
事當祭則帥而共贊陳薦徹也小宗伯小祝既
逆齋然後肆師表之而泚陳薦知女宮之爲粢
盛非炊者婦人禮不下堂無門外之事而共其
職者有饋人也 特性饋食禮黍稷始陳於西
堂則舍人奉粢盛入廟亦宜陳於西堂少牢禮
設饌祝神主婦自東房執一金敦黍設於室中
則西堂所陳世婦宜獨取玉盥設於房中至后
薦玉盥則內外宗自堂上傳簋簋於室中俾后

親薦而九嬪贊焉。猶少年禮。婦贊者執敦黍敦稷以授主婦。而次第設之也。小祝無緣得薦齋盛於神座前。疏誤。李光墀曰。王氏昭禹。易氏祓皆謂齋盛輕於牲。故大祝迎牲。小祝逆盛。王氏又證以六官奉牲。六官奉齋皆非也。王親射牲。故六官奉之。后親羞齋。故六官共之事。分內外。非有輕重。比類以求之。同是尸也。二祝同逆而送者。惟小祝。豈得謂送輕於逆乎。蓋大祝相尸禮方終。又當令徹。故各共一事耳。

送逆尸沃尸盥贊隋贊徹贊奠

尸以象神逆尸不以卿貳又不使大祝何也方
迎尸時六官之長貳各有禮事牲事大祝方有
室事兼令鍾鼓故小祝領之大祝職相尸禮蓋
必既升有室事堂事而後相焉自門庭以至於
階皆小祝道相故廟門內之盥亦小祝沃之
李光坡曰論禮之先後則逆盥盛當在沃尸盥
之後贊奠當在贊隋之上此或文錯至上三者
小祝專職下三者則贊爲之各以其類不可以

後先言矣

大喪贊禫

小宗伯、肆師、鬱人、鬯人、大祝、小祝、皆掌大喪之
禫。而其文各異。何也。大喪兼王后世子而鬯。乃
所以事天神地示人鬼。惟王主鬯。故喪浴用之。
而后世子不得用也。小宗伯職特言王崩大肆。
以秬鬯。禫。明自王以外。禫皆不得用鬯也。肆師
職曰。大喪大禫。以鬯。則築鬻。明禫不以鬯。則雖
大喪不共築鬻也。鬱人職曰。大喪之禫。共其肆。

器則知后世子之溲不得用鬯而得用鬱矣。鬯
 人職曰大喪之大溲共其鬯則知非王之溲
 不得稱大而鬯尸不以鬯矣。大祝職曰大喪始
 崩以肆鬯溲尸則知所謂大喪專指王而不兼
 后世子矣。世子不得稱崩后之喪浴女御掌之此職曰大喪贊溲
 則知所謂大喪兼世子而其溲亦大祝親之小
 祝贊之特不用鬯耳。大祝之特言崩與小宗伯
 同以王之喪浴大祝親其事而小宗伯治其禮
 也。小祝不稱大溲與鬱人同。明溲不以鬯不得

稱大也

及葬設道齋之奠分禱五祀

生人行道必有齋故於葬曰道齋之奠分禱謂遣人分祭若以遣奠餘牲則幾於慢矣注誤

有寇戎之事則保郊祀于社

先鄭謂保守郊祭諸祀及社於于字不可通後鄭義亦未備寇戎近郊保其壇兆可矣何暇舉祀社在王宮無庸言保蓋將爲禦寇之師宜告於社而郊壇震驚則寇退而祀焉亦禮之可以

義起者

凡外內小祭祀、小喪、犯小會、同小軍、旅、舉、事、焉

小會同謂殷頰

喪祝

及朝御匱

曾子問、王崩、祝取羣廟之主、藏於祖廟、卒、哭、成、事、而後、主各反其廟、疏以次朝七廟、廟各一宿、
誤、

人祖飾棺乃載遂御

載與飾棺皆葬前一日事下文及葬御匱乃御
以出宮故注知此爲遣車之御也載在飾棺之
前而倒言之者與下遂御之文相承接其義乃
顯也疏據旣夕禮注謂遂匠納車於階間誤矣
彼大夫士之禮耳巾車職小喪共匱路則天子
之龍輶共之者乃巾車明矣卽別有納者亦不
宜用遂匠其匠師與

鄉師與匠師御匱治役
及芝蕝齊以泄匠師

及葬御匱

劉氏彝謂鄉師遂師相代不知鄉師及葬乃與

匠師御匱而治役遂師及窆抱磨皆臨壙時也
及壙說載除飾小喪亦如之

周官於喪紀多獨舉大喪故於喪祝職備舉大
喪所有事而繫以小喪亦如之以示凡喪紀事
有必舉物有必共者皆通乎小喪以爲他職獨
舉大喪而不及小喪之通例也於末舉卿大夫
之喪以見稱小喪者事在王宮也 諸職所列
飯米熬穀茶葦薪蒸木材之類皆統言喪事以
其物乃貴賤所通用也衣服舍贈泐斲銘旌窆

器樂器之類尊卑有度則多舉大喪而不及其餘蓋喪所必用不疑於小喪之不共而各有禮命故其事不必詳也相禮贊含贈澣斂屬引御柩序哭之類亦多舉大喪而共之者非一人或別有所見大宰大喪贊含玉贈玉而小宰喪荒受其含襚幣玉之事則知大喪之外贊含贈者皆小宰矣大宗伯大喪爲上相而小宗伯凡小禮掌事如大宗伯之儀則知小喪相禮者小宗伯矣小宗伯澣大斂小斂而肆師凡國之小事

治其禮儀而掌其事如宗伯之禮則知小喪泣
斂者肆師矣大喪大司徒屬鄉之六引鄉師帥
其民而至遂治之遂人屬遂之六綽而遂師道
野役抱磨則知大司徒所不親鄉師遂人遂師
各共其事矣。宮中序哭世婦內宗外宗皆掌焉。
則兼掌小喪不待言矣。惟大史職特舉小喪賜
諡以大師帥替而厥作匱諡非特見則疑小喪
賜諡者亦大師巾車小喪共匱路明羣王子嬪
婦皆得用輜禮有獨伸不同於臣下也。觀此經
可徵既

夕禮送匠納車於階間而注訓以柩路之非小宗伯大肆以柩鬯泚

不曰大喪而曰王崩明自王以外泚皆不得用

鬯也掌蜃共闈壙之蜃不言喪以非王后不得

用也成公三年左傳宋文公葬用蜃炭君子霜華元樂舉於是乎不臣譏用天子之禮也

掌勝國邑之社稷之祝號

勝國之社稷禱祀行焉且作其祝號則記所稱

亡國之社屋之不受天陽非禮意也亳社北牖

特以別於時王之社鄉明焉耳

凡卿大夫之喪掌事而斂飾棺焉

掌事掌王朝弔臨贈贈之事也喪家之事則所
掌惟斂與飾棺其他弗與蓋二事各有爵等而
防其僭差職喪所泣之禁令是也賈疏乃謂自
勸防以下皆掌之誤矣經於大喪之後繼言小
喪亦如之至卿大夫之喪則特舉斂與飾棺二
事正見不得如王宮之小喪自勸防至御匱壹
與王后天子同耳職喪於諸侯卿大夫士之喪
無不掌以國之喪禮與禁令凡有爵者無不備
也宰夫及此職至大夫而止王朝之士多不能

徧也。宰夫職不言諸侯所治之喪。至王官而止也。職喪與此職不言三公等而上者不必言也。

甸祝

舍奠于祖廟禴亦如之

時田皆爲祀享。故出舍奠於祖禴而歸則否。以旋舉享禴享蒸之正禮也。

師甸致禽于虞中

時田則宜饁獸於郊。而不舍奠。師田則宜舍奠於祖禴。而不饁獸。豈王巡狩會同歸至近甸道。

值冬狩之期、遂因師衆以田、無暇更舉、故饁獸
與舍奠、並行而不相悖、與若主師征伐、則雖歸
值狩期、亦不暇田、蓋師有功、則宜獻愷、師不功、
則奉主車而入、以喪禮處之、田狩自宜更舉也、

詛祝

掌盟詛類造攻說禴禘之祝號

類造何以有詛、兵祭也。以所伐國之罪、昭告大
神、且與同役者、要言俾用命而無二心、如春秋
傳所載、墜命亡氏、踣其國家之類、義近於詛、故

詛祝作其辭

作盟詛之載辭以叙國之信用以質邦國之劑信
信用者示所要之必用也叙者次其事之小大
也叙國之信用如魯盟東門氏叔孫僑如之類
質邦國之劑信如成王賜周公太公以盟之類

男巫

冬堂贈無方無算

李光坡曰方者如兆山川邱陵等各因其方此
不祥之氣非可以方拘也算者秩祀之神名號

有數不祥之氣非可以數計也

女巫

早暵則舞雩

婦人浴種。饁田與耕者同憂。勤春。抗鉞。糝親共。爨。饁望歲不收。則計日而知老弱之饑。媮矣。其哀誠最切。可以感鬼神。故使女巫舞雩與。

凡邦之大。裁歌哭而請。

邦有大裁。而使愚婦人歌哭而請。妖妄不經甚矣。班固載莽好厭勝。及敗。憂不知所出。崔發言。

周禮及春秋左傳國有大裁則哭以厭之葬乃率羣臣會諸生小民朝夕哭甚悲哀是乃劉歆死之月也故發承葬之意繼歆之事而爲此議因增竄女巫之文削去二語與男巫職立文正同